

畸

堂

摘

藁

畸堂摘稿序

畸堂摘稿者吾友茗山先生許公之所作也先生燕人家於錢塘又爲吳人湖山孕秀牛女儲精東吳人文甲於宇內先生標挺藝林擅場著代而潛心邁往墳典以下迄于漢魏作者門戶靡不博歷關鍵

不擴而自通繩墨不削而自合蓋
造之者深非涉獵所至旣登第貴
人知其文而以不能折節往見兩
試宏詞不拔廻翔州郡隨試盡心
故其所與遊及其文之所紀載者
多幽貞磊落之士云自隋唐設科
雖詞賦經義代更所尚學者志在

于時循襲一轍剽而不留耀而鮮
質其卓然可述者數家而已

明興百餘年而後何李高薛之倫出
焉其文詞駸駸乎漢魏之間矣先
生文在數子中後世必有能定之
者乃其崇深閑肆色夷氣清闇然
不自表異淵然而知之者稀則古

今詞客所罕儷焉語曰人不知而
不愠其斯人之儔歟予故著之俾
讀其書者可觀感而興焉

嘉靖辛酉冬十月旣望福建布政
使司右布政使新安游震得序

倚堂摘藁目錄

卷之一

五言古體

讀殷近夫集

驅車

發泰山車中雜言

送王德仁侍御

贈汝承提刑五章同舜澤蘇先生作

再過懷王感述二首

寄翁子三首

少溪侍御惠問爰申贈章

示諸子四首

題雜畫四首

七月望日靈隱招提楊二十三兄枉集歸

憇武穆祠下共作

已酉夏宣城道中作

贈范子

卷之二

七言古體

印臺篇為侍御傳君作

君不見留別戴水部兄蕪東屠君兵憲

伯父南田翁壽日子文圖蟠桃仙鶴為獻
要予題之

出京寄舍弟叔夏

送同年陳南河戶部還關中

醉歌行

中秋夜和叔夏弟江上送別之作

八月十六夜贈王湛塘侍御

秋夜寄蔡員外子木

行路難

賊得章華臺送劉給事使楚分封

萬縣岑公洞作

儀岡吟贈徐給事

贈周同

楊參軍歌

七言絕句

華林寺海榴

遲賢亭是斬翁仙處

贈王仁甫

送學生入試

乘月泛淮流而東引觴孤斟有懷舊游諸
子

復戲戴水部一首

戲呈潘合肥乞六安茶竹盤

奉荅楊汝承憲魚見寄絕句三首次韻

富春郭外寄憶舍弟及承芳子忠起之三
妹婿

玉山過詹給事隱居次壁上韻

種菜

送僧還吳中

昭平舟中梧岡敬所同集分韻相答贈四
首

游千山馬上口號呈趙鈍菴藩伯四首鈍
菴曩官於杭元常共游湖山

贈唐秀才

唐善大書

暮春孟憲長相招湖上時蘇堤桃花尚有
一樹即席口號奉

真州贈魯員外三首

卷之三

五言律詩

與子同過屠國望郎中宅留集次韻

春夜包十八子同過宿旅舍同懷十五子

木

別徐汝思

湖上月東張子

懷葛晦之家木芍藥并寄舊游諸子

獨愁

肥城道中作

郡齋秋懷

同蔡行人子木登高里山

小坐

和東昌包推官元達酬皇甫膳部子安之

作二首

三月晦日集王子忠園池

憶往年雪中過承芳書帙火爐相對竟夕
親懿乖違忽茲三載對雪感述情見乎詞
寶應同縣尹訪朱子价不過

江北懷翁長卿

小第

宿慈氏寺

徐州屠國望兵憲席上三首

戴子以病不見奉東

濠梁聞家叔病痊志喜

憇包城寺臘月朔日

雪中過廬山東林寺

王山行臺壁間見包元達侍御李克諧考

功二同年詩次韻

題姚大叅虛谷卷

次韻汝承見懷蕪東省中故人之作

春送劉右洲秋官使畢北還

九月十日雨對酒

浴仙池閣對月

登樓

楊子在仙源宮遲之不至

聞在菴砥齋二行省丹泉行臺同遊仙巖
恨不厠迹

秋日過楊克實吏部

秋日過汪克有柱史南泉草堂

鶴歸亭

九日登署中古海榴層臺聊同陟獻
贈八子詩八子從予游或舍或離各申贈
述

流口迴舟東袁尹

送竹泉先生應貢北上

淮泗道中

曉行

送吳判官赴高唐州

送沙濱江曹長使荆楚

送王才伯年兄典教閩中

重登泰山

贈朱南川省長淮浦池亭

射洪經陳子昂故居慨然興懷作

黃州郭使君東亭燕集併示篇詠

中秋夕燕集劉別駕宅移坐前楹待月

趨省謁諸公楊節推移酌舟中別後却寄

十六夜月

放舟

九日舟中

秋日郡倅劉君宅宴集時予將趨成都劉
自播州甫歸也

送劉別駕押送栢木赴京師

郡圃亭子

江樓春望有懷京師舊游

赴蜀過雪上有懷衡州蔡使君

送翁夢山憲使觀察河南二首

同程自邑汪子蘭宿集夢山房共用樓字

送自邑還歙有序

雨不止得真字同自邑山中作

霽後同程汪二子自北山泛小舟歸憇別

業分得舟字

送旄引之赴武試

送汪子歸新安有序

林節婦詩

容閒閣為揚水部作

送侯子之南都

題北野卷

送周山人還南都時山人居舍弟園池

人日同章大行謝山人集范憲長館得寒
字

送楊主簿之益陽

題曾戶部乃翁榕所卷

投跡

上事後往梧州謁提督侍郎王敬所學憲
張三峯總戎劉平江閫師出餞江舫別後

却寄學憲年家兄

至梧州作

游湘山寺

陳儀曹見招再游湘山

柳山書院作

奉陪岑蒲谷憲使徐吾溪兵憲游雪窓宗
室之玄風圃明日雪窓蒲谷繼有高倡各
次原押二首

宴蒲谷宅疊前韻

過雪窓新居論文別後奉東用前韻

梧岡大叅吾溪兵憲並枉和章再次奉東

二君皆工書畫僚

聞叔夏卧疴經時寄懷二首

輓曹處士

贈郭節推應召迎養

雲居新亭和廣平徵字次韻

為楊見湖遙送孫甥入京應舉

山亭送王元案評事考績還留都分得微

字

同日送張子文大叅北上得歌字

春日登蓮花峯頂和孟衛原憲長

暮春同衛原諸公泛湖至石屋時欲往煙霞洞以雨不果各用時字

次韻奉和冶山映江樓候潮不至作

陳方伯純孝詩

湖上雨中看桃花得支字

仰山為郡人周子俊作

友泉

七月三日舟中作

稚子
晬日

酬陳子全見寄次韻

五言排律

題吳汝瑩大叅南岑別業

午日同汝承分得秋字

五月七日汝承過池上消散竟日各限六
字

次韻和汝承山中見贈

九月八日夜集得筵字

送孟衛原赴山西右轄

九月六日竹泉凌先生青門沈隱君夜集

聯句得筵字

卷之四

七言律詩

春日鷄鳴寺閣望

登覆舟山眺都城東來大子禹包十八子

同

留別駱質夫

南都阻雪

應制秋日寫懷

閣試用字

聖駕侍宴清寧宮詩

閣試用字

至日泰山郡行慶賀禮

新泰縣懷古

岱宗

贈褚臨朐

乘月泛淮流而東引觴孤斟有懷蔡行入

子木二首

寄徐承芳

寄李僊卿

山中柬友人

張秋顯惠宮

曉經鳳陽道中作

同劉後齋曹長謝少溪侍御登滕王閣

夜燕少溪侍御院中一首

上清宮和汝承

奉酬蘇君見贈

九日弋陽道中懷楊子

雨中登張真君鶴歸亭兼懷卅泉子

首夏感述

得叔夏弟書并致江上見懷之作賦此寄
憶

茅太史席送廬州張使君得年字

酬蔡郎中子木見寄之作

寄王維楨戶曹兼柬子木

聞謝應午司直謫官台州

春日郊圻即事因寄舍弟

同楊節推登高唐觀

別孫季泉中允

題葉中舍柳亭次宮保甘公韻

奉和侍御袁公謁陸宣公祠次韻

寄題霍將軍西湖別業

癸丑閏三月余將入粵社中諸君枉集於

阿堂分韻得殘字

贈馬亦峰錄事

府江雨泊得鹿門子書

和楊水田兵憲白髮有感

甲寅正月十三夜兩省共集張總戎宅與
梧岡敬所分韻得生字

十五夜總府看放煙火次敬所韻

瞻雲愛日卷為傳近山侍御作

題劉總戎賓松軒

寄徐承芳妹婿 時為南雄保昌縣丞

登湘山亭子有懷符王二君子

九月廿八日遼西道中遇雪寄遠

九月吳山餞馮小海憲副入楚得邊字

再賦奉贈兼柬邵甘澤藩伯

秋晚同祝員外張貢士翁廣平釋良縉登

雲居新亭得魚字

恩榮雙壽為李五華僉憲作

春日巨石園亭宴集憲長孟公首倡見投

次韻奉和

白鹿詩

會同年於瑞石巖次白石年兄韻

送祝九山

送汀州陳使君北上赴調時乃弟兵憲同行

送陳抑亭憲副服闕赴部

同蔡白石叅知燕李北山符卿宅得榴字

贈高養和

送泉心先生教授 楚府

贈王東圃

寄郎草橋次韻

九日漳州開元寺登高次邵甘澤憲副韻

送黎松坡閩師赴尚書幕府兼柬徐見山

隱君

卷之五

序

送韓鎮伯尹晉江序

送廣信趙使君入覲序

送弋陽祝明府入覲序

送南濱先生守衡州序

諭塾編序

送仁和王侯擢廷平序

贈泰山守趙侯壽序

孫太夫人九十壽序

贈汪白埜先生序

山東武舉錄

昆丘獻壽圖序

卷之六

序

蒼梧軍門志序

送敬所王先生赴廣東必衆序

近山詩卷序

堂湖趙先生八十壽序

童蒙山詩集序

食品集序

謙峰胡先生壽序

贈順天府醫學正科張君序

卷之七

序

張侍御詩集序

贈郡侯李公遷浙江按察副使序

贈運使壺淙黃公交獎序

奉送御史中丞方湖王公致政還蜀序

松山曾先生七十壽序

言志謾稿序

讓溪先生甲乙稿序

福建鄉試錄序

卷之八

記說題跋

仁和縣重建倉橋記

跋天人交濟說

高三生杞棟桂字說

東安書曾外家高氏壁

題外曾王父遺卷後

題謝樗仙為李明府作詩句山水圖卷後

題趙子昂所畫時苗留犢圖

題汪白野泰山圖詩

卷之九

祭文哀詞

祭漕運都御史馬公文

祭張宜人文

祭曹長葉君文

祭內子文

祭包宜人文

祭翁封君文

祭泰山神文

祭城隍文

謝雨文

祭柱工部文

又初立祠堂

祭屈原文
廖李從祀郡人也

祭子婦來氏文

祭叔夏文

呂北野哀詞

卷之十

墓誌銘

鄧君墓誌銘

故朝列大夫王公墓誌銘

禮部精膳司主事來君墓誌銘

有明湖廣提刑按察司僉事楊君夫婦合

葬墓誌銘

明故中順大夫順天府府丞省齋林公墓

誌銘

奉訓大夫南京工部都水員外郎王君墓誌銘

卷之十一

墓誌銘

鄉進士王君墓誌銘

翁禪卿墓誌銘

東泉翁公墓誌銘

江子儀墓誌銘

中山先生墓誌銘

邛州府君墓碣銘

卷之十二

墓誌銘

故梁孺人墓誌銘

沈孺人墓誌銘

徐母汪孺人墓誌銘

石丘陳先生繼室孫孺人墓誌銘

胡孺人李氏墓誌銘

誥封宜人包氏墓誌銘

卷之十三

傳墓表

王先生傳

慎齋陳先生家傳

草橋先生傳

工部主事張君墓表

有明松坡丁先生墓表

有明福建等處提刑按察司僉事侯公墓

表

卷之十四

行狀系畧述

明愛山先生張君行狀

誥封夫人洪氏行狀

先君平厓府君系畧

海豐縣知縣許府君改葬述

卷之十五

書啓

與翁長卿

與翁長卿

與孫伯泉仲泉

與王德仁侍御

與王子長曹長

與蘇提學

與李汝實

與吳泉亭祠部

與蘇提學

復萬五谿先生

與翁長卿

與來南峯年伯

與外舅書

與保寧郭二守

與成都任節推

與孫季泉中允

與李秋南

與南姜泉

與郭二守

荅楊守備

謝撫公啓

與翁夢山憲長

與張秋渠僉憲

謝翁冊山年兄

與何總兵

與賈年兄

卷之十六

書啓

與蔡白石正郎二首

荅尹洞山春坊

寄萬鹿園都督

上王中丞思質

與謝與槐大叅

與茅鹿門

與御史大夫屠公東洲

與兵部翁侍郎夢山

答親友

與王敬所

與翁冶山二首

與王子忠

上兵部張尚書東沙二首

與范東明憲長

尚書摘彙目錄

尚堂摘藁卷之一

五言古詩

讀殷近夫集

殷侯本岸瑋氣與煙霞親一朝被組綬淩落隨
風塵為吏山水間給事金馬門榮遺志乃得道
屈命茲屯瓌詞發靈性逸響振青雲變彼楚執
珪咄咄將誰言

驅車

驅車南東行北風號日暮嚮晦月沉彩天水水

抒素慘慘林莽昏肅肅川原互的的虛危明雖
雖鴻鴈度沉冥理或逾消息物有還靜躁焉所
泊滋焉拂秉素道道江陽山上有青桂樹夙昔
二三子於焉同嘯晤在野怨不以嬰組劇牽務
感此神理違延頸不可佇

發泰山車中雜言

朝出軋封門言涉泮河水朱陽麗初暉征雲一
何駛行子遑處息流迹正相似旦為海岱客夕
作揚楚士三峯望已遙吾行自茲始

來牟畢場務黍稷播已穫錢鑄亟及時千耦出
西疇四體勤所職杼柚序征求勞來歎無倦奉
職慙分憂逝矣等置傳懷哉謝前修

弱齡事觚翰雅尚頡孤貞三十荷恩私出守
奉專城緬庶循理迹邇惕省石銘以茲厲昕夕
詎敢煩逢迎皇皇峙東極岱宗肅予欽

岱宗何屈屨蒼蒼出雲表登茲俯蒙繹吾欲觀
魯道闕里窈且崇昔人已陳草山高企乃至聖
遠跡未掃既悟吳門言因知天下小

青衿二三子夙昔共行游朝修覽前訓夕惕省
愆尤一朝諒非患千載聊共謀胡為感化離慘
慘顏不收行矣勗所務無為但夷猶

岑岑招提境冠蓋何闐闐祖張列道周方堂集
時賢和衷枉疇昔牽率及耆年二舍始輟駕肝
旻猶靡旃訣別良獨難惻惻摧心顏

白髮八九公相送城南樹牽車挽行旌胡爲棄
昨去諒無桐鄉仁愧此若邪遇揮手謝良厚脩
程恪 皇度咄嗟車行遲青林日云暮

送王德仁侍御

濯濯中澤蒲披拂春陽和凌兢臺端栢萃聿挺
貞柯晨風快迥霄斥鷃將如何志士懷遠路小
人願匪他離別感中懷愴惻摧顏華鷺車戒行
色惠文冠峨峨逝將返京國念此成勞歌

伊人秉王紀著列肅清夷持斧察郡國海澨遁
魑獍驄馬識都人躡履迎不疑拉朽旣絕萌噓
枯亦生萑纍纍道傍子行與父母辭喟言感中
腸誰當軫我饒

真人昔南狩鸞旂照瀝江叶東人悲杼柚北士
為沙虫海甸亦震蕩皇皇睇交龍懷哉保釐惠
千載惟燕公

燕公洵我友德音耿不忘天衢愧同升雜佩擬
齊芳飄風忽吹轉各在天一方子當返京邑我
將戾江鄉絕足邈躋騰夔心願舜將明德在不
磨庶以希末光

贈汝承提刑五章同舜澤蘇先生作

束髮受書記混混為世儒四海求我友瞻言媚

賢趨揚生守環堵金石歌不渝結交卑辭下皓
首在斯須申以婚媾故要以奉良圖雅意翔寥
廓寧當守區區

區區良匪他願言鮮離別偕隱慕寧原咸命趨
員闕譬彼朝陽禽喈喈共儀列中乖意靡就飛
鳴曠遼絕夫子循吏徒功名劭前哲伊余愧蹇
修銅組亦繼繼悠悠十年餘嘉會超以忽

超忽可柰何道景與我違樹德苦不早將同野
草萎恒恐芝蘭質因彼艸肆移何能百年内親

知久離乖為德必有鄰野苓亦相貽懷哉相厚
意臨風想前綏

前綏亦已授遺珮在江洲王顏既屢覲金聲一
何璆君子申父要小人但綢繆歡極增縈歎感
此道不謬何意不肖軀尚為賢所收在莒古不
忘因以感昔游

昔游邈何許乃在吳趨門蘇公秉明哲鳴琴惠
嘉聞緇衣洵好德授粲愧非賢遂厠然明薦堂
下善一言風蓬各自轉參合復茲存三復求舊

篇珍此雅訓敦和詩代勞歌庶以勗朝昏

再過懷王感述二首

行者苦不輟居者怨無營何為縻斗粟坎坎勞
我形仲春遠于邁六月復來經脩篁蔽虛突既
穉亦已蕃飛蟲網戶間伊威綴方楹時節不我
與物感戕性靈撫茲百年內脫若隕華星既已
三十餘來者難可定叶平聲志士惜景光世人徇
其生旅言感尚父瞿瞿昧明興與世相混濁何
以有令名驅車即脩坂德義古所經無為增長

歎永懷多滯淫

瑟瑟零雨暮熒熒燈燭光我僕亦已痛偃息臨
廣堂我獨何不寐起坐思縱橫行役興悲謠離
別攬中腸思我同胞人遠遊在冀方瓜葛三二
子與子共翱翔良友復來臻追琢成文章多士
信可懷寧知非爾兄引領既北睇側身復東望
倚閭久相待何以遲遲行脩途繁暑雨塗潦沾
衣裳願言托晨風飛止即故鄉緬邈神外馳誰
可相慰康

寄翁子三首

往者日以逝來者日以偷嗟我浮沉子委波承
順流伊人抱玄默履道坦無郵含章嘉且則高
明復乾脩群遊就閒燕與子共林丘如彼麻蒯
堅植此蓬艾柔他山諒匪石同器等薰蕕惟念
久索居墉積多僭尤子不貽芳草何用慰三秋
誰謂同曹密千里阻邦畿誰謂故人厚終歲斷
音徽川途一相越携手安可期江漢匪思存閨
闈渺何其昔厭承明廬今苦行役縻 王事懷

靡及觀止心未夷凡百敢告勞式微焉所歸願
承中和則永奉君子儀寅恭肅明訓朝夕幸庶
幾

庶幾欲何欽述言黃虞理六相底平成九官亦
咸事肅雝穆清夷相讓何濟濟鳳儀咸和球蛟
龍戲中沚思欲觀廣庭從之道無以夫子為舜
虞徽音嗣玄軌大樸耻雕琢希聲豈諧里譬彼
緇屨舞無為酌清醴如將適於越無用此弁頰
於皇振脩武登咸攬千祀四門闢有閔藹藹

多吉士願言蹈令則同心効肝肺百爾儆有位
申篇告知已

少溪侍御惠問爰申贈章

寒氣忽已至廓落起增歎淒霧罩部屋飄風激
檐隅滔滔屈頽序兀兀坐窮居局步既邇然求
懷常怒如願假飛仙御托跡君子廬沉思久逾
錮神理遠無渝瑤華韋云暮芳菲轉襲予惠心
道斯在携手情所娛投報匪明月蓄念抱區區
無但生平暮久要在不污

示諸子四首

良朋自遠至河上慰離群薄言擷芳樹桂子敷
鬱盤披籍坐其下盡此平生言緬邈千載上作
者誰與倫爾祖昔濶蟻太丘揚令芬飲醇譬芳
酌測廣若齋淪險夫旣面革哲士亦目存無念
勗前志克紹乃聞孫

予長窺九疑梁鴻入吳會達人信冥搜志士矜
迅邁多岐或忘羊枋榆笑鵬海意會豈在遠目
擊存禮幣升也懷曠逖玄暘謝羣壻讀書少丘

墳覽世狹區外神游宵幽契風御殿冷沛待爾
疲津梁相為發蒙蓋

清署嘉曠日浩焉綜詩書違彼丹轂客從此青
衿徒英英處子秀涵藝規聖腴析理畢條貫掄
藻自華敷鬱如雲擢岫溜若水決渠嫻辭洵綿
媚槩道良哲模魀質尋往謬不文戒來圖彬彬
示周軌願為君子儒

素秋漂以逝玄月將見臨冉冉白日暮疊疊歲
載陰吉士感物化惕焉厲薰心嗟我居業子寧

不戒昏昕華高盖可企聖哲乃所欽棲遲仁義
途游息翰墨林勤獲譬有秋怠放同失禽勉勉
慎縈牽覃意窮高深

題雜畫四首

墨素有佳意寫茲江南麓條枚挺子特芳華若
紛郁天人邈無與冰綃澹容服對此神已怡况
乃在巖谷將以遺遠者悵焉感幽獨

楚澤彌烟雨皐陸湛渟澄春風被脩畹蘭草擢
丹榮曹署雖局束書史有餘清披圖擗芳秀浩

蕩江洲情但恐蒹葭滿涕下還縱橫

霜華淡蕤蕤風葉亦瀏瀏芳魄脫若遺神朗竟
誰壽持欲問陶子把麴還得否已悟形本無因
之妄群有寄舍霄壤間吾與杯中酒

夙昔尚佳勝竹林寄森爽月臨歲蕤影風聽咸
池響偶爾成一適謂是羲皇上形以組綬敝襟
照煙霞朗會心豈在遠毫素足幽賞

七月望日靈隱招提楊二十三兄枉集歸
憇武穆祠下共作

炎德謝歆丞清宮殿蕭爽森蒼境方適親知駕
仍枉巘嶢欣互攀山林諧獨往臨泉漱雲液窺
壑闢靈壤靜理緣會超道情得朋長邈思限頽
景歸途憇餘賞嚴室肅精英層軒坐披朗高山
但仰止哲人逝安倣感槩遺今慨洪流泝玄想
百罹邁彼昏深衷契明雨誰為夷憤懣將予發
高倡

已酉夏宣城道中作

水國去已遙平陸茲方永朝行指墟烟午餉閑

田井曲薄蠶事歇來牟供秬秉丁男與紅女所
務良自黽予亦勤饘粥安能厭馳騁微月沉西
麓群壑倏已冥杳藹聞鍾聲幽林隔人境且復
息微躬明發還耿耿

贈范子

祗命久 皇邑寒暑淹廻薄雖舛靖共列頗諧
朋從樂之子南服彥蚤歲事探索在鎔美鑿錯
惟塗與丹矚方遲公車召已別鷺群鶚亮節慕
爰傳嘉藻歧機岳愧緣通家睦果契竹林托觴

奕幸餘日談鋒每互酌交儆懼余棄得偶欣子
獲末路歎騫翥修翰俯寥廓逝謝與淙蹤矢音
和鳴鶴

隋堂摘藁卷之二

七言古詩

印臺篇為侍御傅君作

吾聞夢澤之上有山鬱崔嵬云是賢人舊隱臺
飛掩橫撐太白秀虛簾倒入瀟湘開中天平頂
削如印人世隔絕星昭回雲蒸龍變亦已久忽
然簪筆立帝右昔聞藏霧保藜藿此時生風觸
邪醜丈夫撐轡忘澄清繡衣直指出燕京柱下
寧同方朔傲海濱竊聞公子名世間金石自謂

固眼中黑白何太明霜風對我南屏麓笑指西
湖示心曲故山那復不如此功成歸卧一區足
君不見留別戴水部兄兼柬屠君兵憲

君不見彭城城東水縣沫直下二千尺飛滂奔
騰萬餘里淪厓礮石聲濩濯估客舟人氣摧靡
都水使者尚書郎清冰白玉照船窓坐壓洪流
靜如鏡使我不知平地有太行憶君同作瀛洲
客春風復醉金陵陌柳發行歌湖水濱雪深擊
筑燕臺北酒闌傲倪旁無人一別分飛復幾春

畫省重披芳樹燕塵襟更覺紫芝親徐方秉鉞
屠開府同爲曠朗高陽侶爲公醕此醉不辭明
發停舟復何處

伯父南田翁壽日子文圖蟠桃仙鶴爲獻
要予題之

君不聞度索山桃花一樹照海水綠葉青雲相
蔽千根盤九地八千里子結層霞萬顆丹君不
聞遼海鶴云是仙人丁令威千載來歸舊城郭
朝隨木公玄玉杖夕啖金天紫雲樂堯花臨水

坐依微海鶴還過江浦飛
饒拳玄圃玉禾燕渴
飲瑤流沆瀣歸却笑東方生
蹢躅金門裏竊實
翻遭阿母嗔割名強要天子喜
吾宗伯父賢且
豪仙風道骨長顚飄有時跨鶴出寥廓
正值三千熟此桃歸來堦前調鶴舞
大兒吹簫仲擊鼓
問余何者是丹丘大笑三花發庭樹

出京寄舍弟叔夏

我行何為在中露
寒天漭泱朔方野
南日猶驚
冰在顚北風不厭塵
隨馬對看奴子顏
似灰圓

首連枝淚盈把行者寧辭服役中居人自愛聲
名下憶昨柱史厚童呂謂爾文章齊屈賈陸攬
入洛年更少記室三都紙增價藻思如雲亦何
有經書滿腹應湏藉匡鼎解順終致君朱游折
角還攀榭天子從容重引經古人造次皆儒
雅兄今三十已荒落第豈尋常等流亞京國由
來慎友生客居強勿瞻親舍江南親舍白雲飛
日日津頭候季歸歸日看垂綬若若謝家庭樹
歛光輝

送同年陳南河戶部還關中

君不見漢家全盛時五陵偏稱杜與霸昔日賢
豪氣若雷英風激烈晶光射孟公關中雋曠朗
懷古心六經貯腹重懷寶一諾出口輕千金少
年華山隱探討窮幽深三十佐司農持節使江
潯胷中本自有丘壑况乃濠濮會素襟三年辭
家若超忽湖水山光照玄髮匡頂曉踏松根雲
蘇堤夜覽桃花月春風處處拂枯槁秀句時時
鏗嶸岬妙舞初翻白苧新離歌厭聽驪駒發送

君二月下江津盡舫春光日向新吳門煙景舊
相識還上蘇臺訪昔人館娃磽廊基尚在專諸
鰈魚迹已塵豪華意氣兩寂莫何況當年灞滻
濱吁嗟乎陳君丈夫幸未及老樹勲業無事即
引杯中醇

醉歌行

君不見會稽守祖褐辛勤常負薪自分不是溝
中瘠疾歌道中寧避人欽歎歷落慙妻子一言
決去如覆水一朝懷綬驚邸吏車馬連翩耀鄉

聖莊生亦遭友壻辱主父賓游何局束公車朝
上夕被恩位高金多橫排觸世事翻覆那得知
意氣陵轢空爾為五鼎求烹既快意負驕掇患
同一時鳶肩無為歎馬周猿臂射虎終不侯窮
達遲速豈在我貧賤坎壈吾何憂富貴不可得
著書非所能子雲握齷天祿閣空令白首太玄
經要當偃息藩萬乘何能聶屋促促竊取兒女
稱仲連自是天下士烏識平原與信陵

中秋夜和叔夏弟江上送別之作

他鄉令節逢滿月照羈蹤微雲迤掩映還憶故
園同前年燕地中秋月惠連共看清華發去歲
今秋總寓游三年兩見惡離別離別迢遙未擬
論迥霄連翼會飛翻小山桂樹開應遍且寄芳
香解鬱煩

八月十六夜贈王湛塘侍御

昨夕中庭月微彩思君把杯何可待今夕逢君
夜復昏簫燈寥落對空尊古來萬事常如此人
意天時不相侶碁局能禁清漏長高談無謝黃

流旨愛君直道直如弦白簡霜飛落九天謫向
南華為傲吏應從麻谷濯仙泉麻源華嶺古棲
賢戒沒那知千載前無復顏公舊時石空傳謝
客遠游篇顏公謝客皆安在今其不歡後仍悔
君將共命歸南都余亦翩然向東海眼前翻覆
無足憑今日澍雨明日晴不見庾公樓上月千
秋還照武昌城

秋夜寄蔡員外子木

明月滿通津秋風思故人寒蕪一以望疑是雪

溪濱雪溪茗水雙縈帶白石山光晝常藹門前
碧蓋施兩槐屋後青林即森蒼為憶夫君美且
揚明時比部漢中郎天上雲霞流藻思溪邊蘭
芷是衣裳公車對詔總二十奉使稱詩滿四方
魯人驟賞延陵識楚國仍傳白雪章只今持憲
尚書府能以玄心超領簿侶是馬曹了不關或
棲牛屋應遭侮聞知未上賀循舟郡士相留沈
隱候我亦周南苦留滯還憐高視上京儔黃金
古臺燕王築劇辛樂毅爭投轂開歲垂楊拂地

新輕塵馬足來相逐

行路難

君不見李將軍南山射虎氣入雲夜逢醉尉不相識呵止郵亭寧復論君不見褚季野津吏棲之牛屋下吳中縣尹修刺迎四海英風欲傾寫從來勢尊名實卑故人能輕蕭望之從騎傳呼耀光寵翻咲碌碌抱閥為身為冗曹亦已倖心是散人無所競僕夫徒然嗤敝衣野鷗惟尔知真性生事雖無負郭田豈邀金印向燕關轅駒

首鼠難可道，螻屈蛇盤泥。滓間弊車羸，馬豐沛。
道昔口賢豪，祗豐草宵征。正衝豺虎穴，晝行惟
見溝渠葦。蕭條舉目足，辛酸尚憶前。賢濟世艱，
猶煩徒御行。行李應愧空，然忝從班。行路難莫
長歎。

賦得章華臺送劉給事使楚分封

君不見楚王章華初築時，方城連亘匝天池。傾
天轉地起臺榭，日月隱蔽星辰移。皮冠豹舄矜
雄武，馳道離宮貯歌舞。美人爭惜顏似花，猛士

猶聞力如虎只知桂焰薰華屋不道陂陀生灌
木簪履無復昔賓游山川依舊開侯服

天王漢水起飛龍赤社靈光赫炳融已準虞巡
覲群后還循漢策廣分封乘車遠自青霄下朔
雪龍旌颯霑灑王節初分碣石宮廣樂先陳洞
庭野洞庭瀟湘水拍隄迴臯曲岸思淒迷啼竹
曾緘帝子恨紉蘭欲綴侍臣衣侍臣給事明光
裏子政才賢時罕比已知意氣開衡雲還見篇
章傾下里郢路燕巖萬里餘遙看三戶壯黃圖

歸來定有興都賦豈向荒臺怨久蕪

萬縣岑公洞作

赤日欲行且復留縣宰開我城南游輕風棹謳
絕江水只尺便涉方壺丘藤溪竹徑何歷羃石
室巖扉忽森瑟乳泉滴瀝朝出雲琪樹籠葱書
含日前簷漚淩窺邑井決波淪云浴奔景花嶼
晴樓巫峽烟笙臺暝接青城嶺昔人已去姓空
存池上猶餘洗藥盆應指桑枝元是海却栽桃
樹自成村余悲城市不可住日暮猿啼復當去

淹留迫鄰山鬼宅彷彿安知羽人處蓬萊方丈
信依微湖上青山待拂衣明發還應牽薄領岩
前只有白雲飛

儀岡吟贈徐給事

我夢鳳山居下眺東海若青蘿緣壁茶塢春浮
王之潭洗靈藥君懷鳳儀岡浩蕩千古情長風
負翼入遠漢朝陽一鳴四海驚姑蔑城開萬山
裏奕奕晴峯照江水石林叢薄秋不凋碧樹霏
花點清泚君如謾謾松下風含英緼竒故不同

何可采芝商顏中時有奏章明光宮君不聞大
鴻力牧相軒后麒麟鳳凰在郊藪又不聞多士
濟濟岐周間當時鸞鷟鳴西山何如川谷吐氣
坤効靈盤形跼影入君庭味拂陽池吸溟渤
稍天姥排蒼冥維岳降神聞自古攢青矗翠何
足數賢豪挺出誰與伍欲振顏風繼三五曲江
野客人共嗤行年五十無所知長安相逢頗莫
逆廣平太守同心期家中小弟不解事強把釣
竿坐江滢我且從之自茲逝煙扉月艇隨所至

待君致君勲華也拂衣來訪山中兩奇士

贈周同

長安城中旬歲住閭里獨有周郎顧乍驚稷下
非馬談時着軍中常跼注城南六月楊柳風赤
脚傾壺梵帝宮月斜河直清秋夜擊筑悲歌漸
離舍舍中曾揖長桑君肘後方書幸見分別有
新篇窺鮑謝還矜餘勇出燕雲燕雲亭障連驕
虜赤白飛囊日旁午主將恃恩無遠謀歸來自
射南山虎君家震澤我樟亭水上遙看橘樹青

欲乘西塞浮家宅來借東臯釀酒經何獨栖栖
騎款段造請不避昏與旦少年尚誇矰繳多鴻
飛冥冥空自嘆

楊叅軍歌

楊叅軍年向七十氣薄雲月請太倉兩斛粟常
持一篇玄古文前年虜入右北平上馬便繫縵
胡纓歷詆燕壘一百二恨無尺箠笞懦兵今年
儼居水月寺閉門著書非所志滿壁滄洲虎頭
筆三足故鼎蝌蚪字昭王臺廟日欲斜相逢市

南酒人家小，僮鼓等不入耳。春風滿庭吹落花，
爾來幾時不相見。王河水膠道，飛霰屢如東郭。
有人嗤賦似長卿，無客薦烈士。懷竒祗自竒，肯
游鄴下屠沽兒。但令風月且入手，安問公侯能
俛眉。君不見荊山戕戕淮水急，風雲瀕洞不可
測。虎變龍飛二百年，猶貯英靈產詞客。木門倉
琅詎許攀，聊復對酒丹蒼顏。豫章神物身在地
光芒夜夜斗牛間。

七言絕句

華林寺海榴

華林寺中三海榴向予含咲問遲留吳中碧樹
應相待柰爾風塵戀一州

遲賢亭是靳翁仙處

平明樹色拂雲開靳老孤亭萬壑迴手迹自留
形解處何年却見鶴飛回

贈王仁甫

白幘青袍海上來南風五月到燕臺先攀岱嶽
看辰極关指天門次第開

爾發吳門過魯門共予歛頂倒清尊不須越觀
峯頭望煙嶠能遷病客魂

送學生入試

洙泗通流汶水清弦歌亦是魯諸生鯨鯢手掣
非能事共爾臨流萬古情

日東馬西西出關關人應詫棄繻還終童年少
何須羨自有修能天地間

乘月泛淮流而東引觴孤斟有懷舊游諸

子

世事何煩雪滿頭。憐君三十氣無前。肘邊金印

何時掛郭外。今無負郭田。

伯生有薄田五十畝。盡推以與明第。

末俗誰知豪士風。胷吞詎道九雲夢。珊瑚手擊

連翩碎。看爾連鰲碧海中。

右張伯生

葛彊意氣出青雲。耳掛長顚酒欲醺。賞事廢來
緣作吏東家妙。唱幾時聞。

問君庭中雙桂花。秋來幾度發丹霞。月中照見
婆娑影。只在南頭是爾家。

右葛晦之

帝陵鬱肆萬重山。下瞰洪流天地間。誰向青門

招隱士令渠作賦繼張班

右沈懋學

白頭諸生寡儔伍家住市廛心太古江南米賤

突無煙時聽歌聲出環堵

右陸良弼

手把山中青桂枝無人為致曲江湄知君雲卧

凝成癖歲盡稀聞白社詩

右王時雨

案頭未草太玄文池上閒書白練裙臺笠到門

排急雨商歌一夕劃重雲

右張文東

龍山坐對三珠樹鳳藻時看五色披問君扛酒

青林下應少山公白接離

右馮晉叔

周生家住西湖上，旦暮雲峰對竹關。
安得便拋銅墨去，與君乘月弄潺湲。
右周靜伯

朱游妙小，欲飛揚，往往人傳寡和章。
薊雪此時思郢客，梅花一曲斷人腸。
右朱子雨

復戲戴水部一首

水壑遙應雪夜同，河流不異剡溪中。
嗟予狗祿非乘興，却道何須見戴公。

戲呈潘合肥乞六安茶竹盤

文園肺病久難蘇，大蜀山茶雪不如。
與乞月團

三百片盡銷塵抱夢吾廬

聞說湘江萬竹園遠成危器霍山樊憑君為致
茅茨下欲稱山家老瓦盆

奉荅楊汝承憲魚見寄絕句三首次韻

樓船二月下青霄繡斧遙聞靜海潮為報南征
還有賦迴天孤鶴咲方寥

山迴岸轉一溪明渺渺孤舟漢上行縱有清尊
對芳樹思君不見向誰傾

我憶山中曠朗群薌溪驛下見楊雲遙知已到

洪都郡此日扁舟猶望君

富春郭外寄憶舍弟及承芳子忠起之三

妹婿

富春郭外水波生山色西來接郡城
歆誦雲端康樂句不堪煙渚惠連情

五兩風吹去不遲思如流水浩瀰瀰
遙知北地思家日是我江南憶弟時

二月長風吹兩艘子翔北渚我西江
遙携愛弟青春上共倚天都白玉窓

君如日下荀鳴鶴我憶雲間陸士龍天上一枝
應並折人間兩地幾時同

比翼聯翩樓上林遠隨陽鴈下江潯只思霜霰
遙相送知我天涯憶爾心

黃金臺下客應久白鷺洲邊空復情歸向燈前
同二釋遠將銀漢指瑤京

欲知宅相胄曹賢九載閒官未得遷遣寄蘭心
向天末南風正好到幽燕

徐陵別後罷彈碁空憶江南變體詞回首兩京

三會面流波已是十年期

玉山過簷給事隱居次壁上韻

迴溪細雨漾明沙
芳思遙尋巖桂花
忽駐征車聽高詠
竹林知是仲長家

種菜

午衙未放是閑人
兩逕雲畦絕四鄰
坐即攤書行負耒
不知何地有沉淪

送僧還吳中

少年給苑啓玄關
暫向王城問法還
同在京華

懷舊隱送君飛夢到青山

昭平舟中梧岡敬所同集分韻相答贈四

首

早歲含香奉紫宸最憐同舍寵光頻而今南

徼重逢地勲業猶慚接後塵塵字贈梧岡

留懽自緩尚書期數聚從他太史知故人有酒

不教醉何處相逢是醉時期字答梧岡

久知人士仰關西又假聲威變惡溪比境材名

真忝竊郵中五字待封題

題字贈敬所時轉
廣東少參

從來樗散合滄洲詎薄當年萬戶侯為問茂弘
勤畧後幾時却上泛湖舟舟字答敬所

游千山馬上口號呈趙鈍菴藩伯四首鈍
菴曩官於杭元常共游湖山

馬首空濛翠欲垂群峯未辯樹含滋回頭笑問
西湖長山色何如雨後時

共憶行歌湖水濱抵今緹騎踏邊春但教短屐
常携在何處山光不泥人

桃甲猶含柳向舒泉流滿道雪消初道人未恨

芳華晚逢着青松便駢車

曉起忽驚飄塞雪韶年幾夢到山家春風正似
知人意吹學江梅滿樹花

贈唐秀才

唐善大書

橋南暫別浣花君投老扁舟信所如江海不須
頻遠迹 殿庭懸待仲將書

暮春孟憲長相招湖上時蘇堤桃花尚有
一樹郎席口號奉呈

半色煙霏路不分桃花深處踏春雲東風也惜

韶年去一樹還留待使君

真州贈曾員外三首

長安大道擁行軒二十年來笑語存
共話須臾又相別莫教絃管隔清言

水上挑開滿樹花飄煙漾日點晴沙
逢君有酒應拚醉明日春光隨路賒

君家兄弟真三鳳我昔詞章下士龍
今日相看

惟二叟淦原吳隴遍苔封

員外兩弟及余弟叔夏皆不幸短世墓才

笑拱